

13. Ankiaje Maaroni Awentaantsipankopaye. Jaawenta kanteri Eejatzi Inkempoyeneri Irañamento Atziripaye.

Eero akowakotawakajaro awentarontsi nampitsikipaye tsikanta osaiki ashinonkaantsi. Imonkaratakairi atziripaye tsika okanta ojewatsi antawaire ashi awentaantsipankoki anampitsitekipaye. Ijewatantyarori Awinkatsarite antawairentsika ontzimatye:

- (a) ijewatakante antawairentsi ashi amakowentyaroneri mantsiyarentsipaye iroperori areyetachari anampitsitekipaye;
- (b) Iramaeyaro mantsiyarentsipaye jamiri kokaweripayeni;
- (c) impayetajeri iroperanto nijaa maaroni atziritepayeni eejatzi jamakowentyaaro eero yapitsatantairo aipatsite;
- (d) ijewatakante iroperori antawairentsi ashi shintsiripaye mantsiyarentsi saikayetatsiri anampikipaye;
- (e) jiyometaantero tsika ikantaita ikempoyetziro añamento;
- (f) yaretakajiaro antawaire awentarontsi nampitsikipaye tsikanta okowityaperota awentarontsi eejatzi ashinonkantsi. Jananekipaye, ashitaniiyetachari, kenkiwaripaye eejatzi antaripaye atziri ashinonkainkari iritake jampitakoperote;
- (g) ijewatakajero antawairepaye awentarontsi anampitsitekipaye eejatzi imonkarateniro antawairepaye tsika okanta ojewatsi;
- (h) Yampitakotajero tsinanepaye eero itzimanta osheki eentsite eejatzi irawentero aririka intsime eentsite;
- (i) eero ikowakotsiri atziritepaye jatatsineri irawentya awentarontsiki irashi Pinkatsari eejatzi irashiki kirepakoripaye;
- (j) ijewatakantero antawairentsi ashi awentarontsi irashi atziritepaye kaari tzimatsine ireekite yantyarori awentarontsi. Impero kireeki amenakantsirori awentarontsi onkantya awentantyarori maaroni atzirite osankenatakotane ashi awentarontsi;

- (k) ijewatakantero antawairentsi ayotantajiarori tsika ikantaitziro jawentantaitsi;
- (l) ari jantaritakakeri oireekite jewatakantzirori awentarontsi;
- (m) jiyometsajeri antawairiantsipaye ashi awentarontsi yotaantsi owakerari iroperori iraawentantyariri atziripaye.
- (n) Ijewatakantero antawairentsi ashi owakerari yotaantsi awentarontsiki ashi anampitsite eejatzi irashi wirakocha;
- (o) impinkatsatakantero antawaire ashi jewatakantzirori awentarontsi.